



者必孝其親為妻者必敬其夫為兄者必愛其弟
為弟者必恭其兄聽聽毋徇私以妨太義毋怠
惰以荒厥事毋縱奢侈以干天刑毋用婦言以間
和氣毋為橫非以擾門庭毋耽麴蘖以亂厥性有
一于此既隕爾德復隳爾胤睠茲祖訓寔繫廢興
言之再三爾宜深戒聽聽眾皆一揖不東西行
而坐復令子姓敬誦孝弟故實一過會揖而退
一每日擊鐘十二聲家眾俱興四穀咸盥漱入聲入
有序堂男女分立向家長一揖家長厲聲舉母聽
婦言四字為戒衆皆答云復分左右行一揖會湯
而退九穀男會饌於同心堂女會饌於安貞堂三
時並同其不至者家長規之

一家長總治一家大小之務凡事令子弟分掌然須
謹守禮法以制其下其下有事亦必咨稟而後行
不得私假不得私與
一選老成有知慮者通掌門戶之事輸納賦租及往
來送迎禮有不可免者皆稟家長而行至於山林
陂池防範之務與夫增拓田業之勦計會財息之
任亦并屬之
一擇端嚴公明可以服眾者一人監視諸事四十日
然必輪二有善公言之有不善亦公言之如或知而
不言與言而非實眾告祠堂鳴鼓聲罪而易置之
一每年之中命二人掌管新事所掌收放泉粟藝植
稼圃之類又命二人掌管舊事所掌冠婚喪祭衣

食賓旅一應等務新管事畢即當舊管舊管事畢復交舊管然皆以六月而代若事務繁劇則債財饒食賓客書計之屬別掄子孫而分任之務使勞逸適均

一舊掌管人合支荊粟及一應雜物當於新掌管人處支給各置無私簿逐事書之月朔呈於家長對讀無訛家長方與結筭標附總簿總簿係家長收

一新舊二管皆置日簿每日計其所入幾何所出幾何總結于後十日一呈監視果無私濫則監視書其下曰體驗無私後若顯露先責監視次及新舊二管

一新管財債當逐項納諸家長舊管理合用慶者於

舊管處支給之

一新舊管逐年輪當須視為切己之事計會經理自二十五歲止六十歲過此血氣既衰當優遇之毋任以事

一男子衣資一年一給夏則紵衣草履冬則續襖皮鞞十歲以上者半其給純以布十六歲以上者全其給兼以帛四十歲以上者優其給純以帛仍皆給裁製之費鞞帽則二年一更若年至二十者當給禮衣一服亦不過綾羅注絲不得奢用錦繡餘則撥帽鞞皮鞞不可僭事華靡

鞞音靴

一婦人衣資照依前數兩年一給之雜物女子及笄者給銀首飾一副

一每日三饌早飯蒸以豆乳午飯羹以魚肉晚粥侑以蕪菜一日能飲者酒不過七行或遇節序及欣慶等事長幼團坐亦不過五七味不可太奢子弟自八歲入小學十二歲出就外傳十六歲入大學聘致明師訓飭必以孝弟忠信為主期厝於道若年至二十一歲其業無所就者令習治家理財向學有進者不拘

一男子當冠須延有德之賓庶可責以成人之道其儀式並遵家禮

一婚嫁必須擇温良有家法者不可慕富貴以虧擇配之義其豪強逆亂世有惡疾者毋得与議

一婚姻乃人道之本親迎醮啐奠應授綏之禮人多

遠之今一祛時俗之習其儀式並遵家禮

一男子十五而聘二十而娶其費不過二千五百緡

聘娶所用絲段自數女子亦十五而受聘聘後裁

家機織造不在此數量而嫁共費不過三千緡聘嫁所用絲段亦用家

此作類不在十二歲許納媵女一人奩產則隨母所有者量撥与之

一立嘉禮莊一所撥田一千五百畝別儲其租令庶幹子弟掌之專充婚嫁之費倘有餘裕則為增拓

之計

一喪禮久廢多惑於釋老之說今皆絕之其儀式並遵家禮

一諸處塋冢歲節及寒食十月朔子孫須親展省獻

之輩不得與此近墜竹樹不許剪拜各處菴宇更當葺治

至於作家制度已有家禮可法不必過奢

一家長專以至公無私為本不得徇偏如其有失舉

家隨而諫之然必起敬起孝毋妨和氣若其不能

任事次者佐之

一家中產業文券既印義門公堂產業子孫永守等

字仍書字號置立砧基簿書告官印押續置當家

長會衆封藏不可擅開不論長幼有敢言質粥者

以大不孝論

一凡遇凶荒事故或有缺支家長預為區畫不使匱

乏

一命子弟多儲藥劑綵帛及蘊積雜物如諸婦油炭

之掌家中必合用度者舊管請給與之母畱母豐雅

務中理或有餘貲則就徵質當之利以補衣資諸

費之缺亦須明白書簿月朔一呈家長以備稽攷

一內外屋宇大小修造工役家長常加點檢委人用

工毋致損壞

一廣儲書籍以惠子孫不許假人以致散逸仍識卷

首云義門書籍子孫是教鬻及借人茲為不孝

一子孫器識可以出仕者頗資勉之既仕須奉公勤

政毋陷貪贖以忝家法任滿交代不可過為留寓

亦不宜恃貴自尊以驕宗族仍用一遵家範違者

以不孝論

一子孫不得私造飲饌以徇口腹之欲違者姑誨之

一誨之不悛者則責之產者病者却不拘此

一子孫不得畜養飛鷹獵犬專事佚遊亦不得恣情取贖以敗家事違者以不孝論

一子孫不得惑於邪說溺於淫祀以徼福于鬼神

一子孫倘有私置田業私積貨泉事跡顯然彰著眾

得言之家長家長率眾告于祠堂擊鼓聲罪而榜

于壁更邀其所與親朋告語之所私即便拘納公

堂有不服者告官以不孝論其有立心無私積勞

于家者優禮遇之更於勤懲簿上明紀其績以示

于後

一子孫賭博無賴及一應違於禮法之事家長度其

不可容會眾罰拜以媿之但長一拜者又不悛則

會眾而痛箠之又悛則陳于官以放絕之仍告

示同堂於宗圖上削其名三年能改者復之

一子孫以理財為務者若沉迷酒色妄肆費用以致

羈陷家長覈實罪之与私置私積者同

一凡遇生朝父母舅姑存者酒果三行亡者則致恭

祠堂終日追慕

一卑幼不得抵抗尊長一日是其有出言不遜製行

悖戾者姑誨之誨之不悛者則重箠之

一男女不共圍溷不共溷浴以謹其嫌春冬則十日

一浴夏秋不拘

一各房輪流守夜環視二次有故不在家者次輪當

者續之

一立勸懲簿令監視掌之月書功過以為善善惡惡之戒有沮之者以不孝論

一吾家既以孝義表門所習所行無非積善之事子孫皆當體此不得妄肆威福圖脅人財侵凌人產以為祖宗植德之累違者家長以不孝論

一親媼饋送一年一度非常乎慶則不拘此切不可過奢又不可視貧而加薄視富而加厚

一親賓往來掌賓客者稟於家長當以誠意延款務合其宜雖至親亦宜宿于外館

一每歲秋成穀價廉平之際糴三百石別為儲蓄遇時艱食依元價糶給鄉鄰之困乏者然須裁量毋使多寡不均

一建義宅一區以居宗族之無所歸者若遇凶荒除自支外有餘則時加賑給更勸勿用火葬無地者聽埋義冢之中

一立義冢一所鄉鄰死亡委無子孫者與給槨殮埋之其鰥寡孤獨果無以自存者時賑給之

一諸婦主饋十日一輪仍給媵女之屬以佐其勞有畏憚不至者主母責之

一諸婦必須安詳恭敬奉舅姑以孝事丈夫以禮待娣姒以和然無故不出中門夜行以燭無燭則止如其淫狎即宜屏放若有妬忌長舌者姑誨之誨之不悛則責之責之不悛則出之

一諸婦育子苟無大故必親乳之不可置乳母以飢

人之子

一諸婦工作當聚一處機杼紡績各盡所長非但別其勤惰且革其私

一委人啓肆皆公堂給本与之一年一度新管為之結筭具子錢納諸家長

一各房媵女許以一人供指使餘皆集於一處与公堂紡績不可務私仍立長生之以聽主母訓飭其衣資舊掌管人相時量給若年及三十不願留者縱之勤奮少過者資而嫁之其兩面二舌飾虛造讒離間骨肉者逐之放蕩不謹屢為盜竊者逐之有背離之志者亦逐之

一儻人無故不入中門亦不可与媵女親授既立一轉輪供逆器物又立一竈於其側外則注水而甕內則汲湯而饋子孫守之勿輕改易

一儻媵會食各有其所務相雍睦不許喧闐其有鬪爭者即訶禁之若不立則視其理曲者箠之

一儻人相時給其工直有功者則稍優之仍立長以總其事園丁甕童以時量撥

右仰子孫世世遵守

家規後錄

義門第七世鄭欽撰

一灑掃祠堂宗子每旦躬率子弟輪任之祭祀須撰著十日齋戒蒞事正至朔望叅謁之外或遇節日當薦時物以致如存之敬四時祭畢更行會拜之

禮

長拜始拜序堂自

一祭祀務在孝敬以盡報本之誠其或行禮不恭雖
席自便與夫跛倚欠伸噦噫噓歔一切失容之事
皆過議罰督過不言衆則罰之

一忌日當用黥淡衣服致祭孝子是日不得飲酒茹
葷聽樂夜則出宿于外

一撥常稔之田五十畝令宗子別蓄其租專充祭祀
之費其由券印義門鄭氏祭田六字字號步畝亦
當勒石相堂之左俾子孫永遠保守有言質粥者
以大不孝論

一子孫入祠堂者當正其衣冠即如祖考在前不得
嬉咲不得對語不得疾趨晨昏皆當致恭而退
一奉先之外一應道釋巫覡之神不得尊崇

一宗子上奉祖考下壹宗族家長當極力教養若其
不肖當遵橫渠張子之說擇次賢者易之

一墳塋年遠其有平塌淺露者宗子當擇潔土益之
更立石深刻名氏勿致堙滅難致

一祖父所建義祠蓋奉宗族之無後者立春祭先祖
畢當令子弟設饌祭之更為修理毋致隳壞

一宗人實共一氣所生彼病則吾病彼辱則吾辱理
勢然也子孫當委曲芘覆勿使失所切不可恃勢
凌轢以忝厥祖更於缺食之際揆其貧者月給數
六斗直至秋成住給其不能婚嫁者助之

一宗人若寒深當憫惻其果無衾与祭者子孫當量
力而資助之

一宗人無子寔墜厥祀此後當擇親近者為繼立之
更少資之

一為入之道舍教其何以先當營義方一區以教宗
族之子弟免其束脩

一立春當行會族之禮不問親疎戶延一人食品以
三進為節

一里黨貧窶者眾吾安忍獨享溫飽坐視阽危而不
顧恤每歲量力以錢五百貫文用以拯患難之無
告者

一義廩平糶之外里黨又有缺食更用裁量出穀借
之後催元穀歸還勿收其息其產子之家不問男
女給助粥穀二十五升

一里役繁重多喪厥家當相時量力必資助之
子孫所當為者毋為歛衆生怨

一里黨之痒痲疾痛吾子孫當深念之彼不自給况
望其饋遺我乎但有一毫相贈亦不可受遠者必
受天殃

一展藥市一區收貯藥材鄰族疾病其證章章可驗
如瘡痲癰癩之類施藥與之更須膠察寒熱虛實
不可慢易此外不可妄與恐致悞人

一佃家勞苦不可備陳試與會計之所獲何嘗補其
所費新管當矜憐痛閔不可縱意過求設使爾欲
既遂它人謂何否則貽怒造物家道弗延除正租
外所有佃麥佃鷄子孫斷不可取

一田租既有定額子孫不得別增數目所有逋租亦
不可起息以重困吾里黨之人但務及時勤索以
免虧折

一拯救宗族里黨一應等務今監視置推仁簿逐項
書之歲終於家長前會筭其或沽名失實及執吝
不肯支者天必絕之此吾拳拳真切之言不可不
謹不可不慎

一增拓產業彼則出於不得已吾則欲為子孫悠久
之計當體究果直幾緡盡數還足不可與駟僧交
謀潛萌侵人利己之心否則天道好還縱得之必
失之矣交券極務分明不可以物價逋負相準或
有欠者後當索償又不可以秋稅暗附它人之籍

使人倍輸官府積禍非輕

以下缺七條

一田租既有定額子孫不得別增數目所有逋租亦
不可起息以重困吾里黨之人但務及時勸索以
免虧折

一拯救宗族里黨一應等務今監視置推仁簿逐項
書之歲終於家長前會筭其或沽名失實及執吝
不肯支者天必絕之此吾拳拳真切之言不可不
謹不可不慎

一增拓產業彼則出於不得已吾則欲為子孫悠久
之計當體究果直幾緡盡數還足不可與駟僮交
謀潛萌侵人利己之心否則天道好還縱得之必
失之矣交券極務分明不可以物價逋負相準或
有欠者後當索償又不可以秋稅暗附它人之籍

使人倍輸官府積禍非輕

以下缺七條

一子孫不得譴浪敗度免巾徒跣凡諸舉動不宜掉
臂跳足以陷輕儇見賓客亦當肅行祇揖不可參
差錯亂

一子孫不得目觀非禮之書其一涉戲謔淫褻之語
者即焚毀之妖幻符呪之屬並同

一子孫不得從事交結以保助閭里為名而恣行已
意遂致輕冒刑憲墮圯家業故吾再申言之切宜
刺骨

一子孫處事接物當務誠朴不可置纖巧之物務以
悅人以長華麗之習

一子孫當以和待鄉曲我寧容人毋使人容我切不可
先操怨人之心若累相凌逼進進不已者當理

直之

一子孫毋習吏胥毋為僧道毋治刻隸毋狎屠豎以壞亂心術當時以仁義二字銘心鏤骨髓或有成

一子孫不得與人眩奇鬪勝兩不相下彼以其奢哉以吾儉吾何害哉

一既稱義門進退皆務盡禮不得進引倡優謳詞戲伎娛賓狎客上累祖考之嘉訓下教子孫以不善甚非小失違者家長箠之

一俗樂之設誨淫長奢切不可令子弟穢獲習肄之違者家長箠之

一棋枰雙陸詞曲蟲鳥之類皆足以盡心惑志廢事敗家子孫當一切棄絕之

一家業之成難如升天當以儉素是繩是準唯酒器用銀外子孫不得別造以敗我家

一家中燕饗男女不得互相獻酬庶幾有別若家長男姑禮宜饋食者非

一子孫年未三十者酒不許入唇壯者雖許少飲亦不宜沉酗杯酌喧呶鼓舞不顧尊長違者箠之若奉延賓客唯務誠慤不必強人以酒

一子孫不得無故設席以致濫支唯酒食是議君子不取

一子孫未冠者不許以字行不許以第稱庶幾合於古人責成之意

一娶婦當以嗣親為重切勿用樂違者罰之

一甥婿初歸除公堂依禮與之不得別有私與諸親
一端家初見當以幣帛為贄不用銀帛他有饋者此
亦不受

一女適人者若有外孫彌月之禮惟首生者與之餘
並不許但令人以食味慰問之

一喪事不得用樂服亦缺者不得飲酒食肉違者不
孝詳見家禮

一子孫臨喪當務盡禮不得惑於陰陽非理拘忌以
乖大義非理拘忌謂如呼注妨慎之類

一家長當令子孫以理生財補助公堂之費子孫不
得坐饗以敗家道違者監視當痛罰之

一治家當務勤謹毋習怠惰至於射藝之饒五穀之

桐竹木枯木畜牧之蕃如馬牛羊豕魚二掌管人

當稟家長量撥子弟掌之限以歲時責其成功
一內外所用稱斗當極中平不可私置兩般以貽天

譴

一子孫不得修建異端祠宇粧塑土木形像

一子孫之於尊長咸以正稱不許假名易姓

一子孫有妻子者不得更置側室以亂上下之分違
者責之

一家衆有過可諫諭者即諫諭之如其不可當密書
貼於食几前後言之中理即宜悛改言之無理亦

宜優容不可有一毫詬責以妨和氣

一壽辰既不設筵所有襪履之類亦不可受徒蠹女

工無益於事

一家衆有疾當痛念之延良醫以救療之

一主母之尊欲使家衆悅服不可使側室為之以亂尊卑

一女子年及笄者母為選賓行禮製辭字之

一諸婦之於母家二親存者禮得歸寧無者不許其有慶乎勢不可已者則弗拘此

一諸婦媒言無恥及干與閫外事者當罰拜以媿之

一子孫固當竭力以奉尊長為尊長者亦不可挾此自尊據拳奮快忿言穢語使人無所容身甚非教

養之道若其有過反覆諭戒之甚不得已會衆箴之以示恥辱

攘

一各房用度雜物公堂總買而均給之不可私托鄰

一挾越分競買鮮華之物以起乖爭

一謹防內外風燭內則守夜者外則就外傳者各輪視二次竈突之塵則朔日一掃所有辟蚊蒿燼亦

棄絕之

一庄婦類多無識之人最能翻鬪是非若匪高明鮮有不遭韻聲此後切不可縱其來往歲時展賀亦

不可令入房闈

一諸僕食飲不可菲薄工直須務分明欲得其力不可不得其心切勿令其誹怨

右仰子孫世世遵守

家規續錄

義門第七世鄭鉉撰

一四月一日係初遷之祖遂陽府君降生之朝宗子當奉神主於有序堂集家衆行一獻禮復擊鼓二十四聲令子弟一人朗誦譜圖一過曰明譜會團揖而退

一為家長者當以至誠待下一言不可妄發一行不可妄為庶合古人以身教之之意臨事之際毋察察而明毋昧昧而昏更須以量容人常視一家如一身可也

一朔望二日家長點檢一應大小之務不蕩行若有罰子弟諸簿籍或過日不筆結及共時不具呈者亦量情議罰

一設典事一人以助家長行事必選剛正公明堪堪

治家為衆人之標表者為之立不論長少不限年月凡一家大小之務無不預焉

一監視莅事告祠堂畢集家衆於有序堂先拜尊長八拜次受昇笏八拜然後鳴鼓細說家規使肅聽之

一每夜擊昏定鐘之時監視率新舊管聚于一室美結本日帳目事務之煩難拘十日一呈

一每夜新舊管聚會之際對衆商確何日可行某事書之於籍上半月所書下半月行之下半月所書次上半月行之庶無迂滯之患事當即行

一每歲新舊管交代先須謁祠堂書祝致告次拜家長然後領事

一新管置一總租簿明寫一年逐色穀若干石總計若干石又新置田若干石此是一定之額却於當年十二月望日以所收者與前數總較之便知實欠多少以憑催索後索到者別書於畸零簿至交代時却入總租簿內通筭

一佃人用錢償折租者新管當逐項收貯別附于簿每日納諸家長至交代時通結大數書于總租簿云收到佃家錢債若干計折租穀若干如以禽畜之類準折者則售之舊管支錢入帳不可與雜色錢同收

一新管所收之穀每匣收訖即結總數報於家長不可過於次日家長置租賦簿令其親書某號匣係某人於某年月日收何等穀計若干石量出之時須逐匣稟問更具細數呈諸家長以憑勾銷違者罰之

一逐日食用穀麥亦須置簿書寫某匣春磨自某日支起至某日用畢以憑稽考此事所係甚大當令子弟專掌之明白交收見數務在珍惜不得妄用一家中食穀倘有餘贏當糶於鄰里之人照時直外有貧窶者每斗各增一升須別量与之

一田地有荒蕪者新管逐年招佃或遇坍江亦即書簿以俟開墾開墾既畢復入元簿免致失於照管一佃人有於吾地上私墾田者新管但據見業中分其租不可計其年月遠近而勒其倍償

一 新管專掌貨財事務頗繁當擇廉幹子弟佐之以
掌管運之事歲終會筭通計其數呈於家長監視
嚴加關防察其私濫

一 新管簿書不分明者不許交代一應催督錢穀項
是先期逐項詳注已未收索之數於交代日分明
條說併承帳人交付雖累更新管要如出於一手
庶不使人欺隱

一 舊管簿書不分明者亦不許交代

一 新舊管支錢稽考簿前當具收錢摺目後却逐項
開支務要明白毋得毫髮涉虛違者議罰

一 舊管所積雜物之房長幼皆不許入違者監視議
罰或有所需當別令人請給之

一 鄰族分歲之飲舊管於冬至後排日為之儉人則
十二月望日為之

一 公家上下追節之禮掌門戶者當於十二月朔行
之

一 男女六十者理宜異饌舊管盡心奉養務在合宜
違者罰之

一 親朋會聚若至十人舊管不許於夜中設宴時有
小酌亦不許至一更晝則不拘

一 親賓饋贈舊管即時書于一簿庶有稽考而盡往
來之禮

一 設掌膳者一人以供家眾膳食之事務要及時烹
爨并專意提督菜圃此外不許干預舊管雜役亦

須一年一輪

一增拓產業長上必須與掌門戶者詳其物與價等然後行之或掌門戶者他出必伺其歸方可交易然又預使子弟親去檢視肥瘠及見在文憑無差切不可鹵莽以為子孫之害

一掌門戶者置他人產業即時書於受產簿中不許過於次日仍用招人佃種其或失時不行家長期望點檢議罰

一山林之務雖在掌門戶者關防更宜專令子弟掌之仍撥勤幹漁人時時照管每歲於九月入山檢踏柴薪書于一簿庶有考憑所獲薪資具數納諸家長

一羞服長專掌男女衣資之事宜先措置夏衣之給須在四月冬衣之給須在九月不得臨時伴辦如

或過時不給家長罰之

凡男女週歲即給至於勝女衣資亦代舊管今給勝

一每歲羞服長除給男女衣資外更於四時祭後一日俵散諸婦履材及油澤脂粉針花之屬

一各房染段羞服長斟酌為之仍置簿書之母使多寡不苛

一所用監視及新舊管諸人等其有才幹優長不可遷代者並聽衆人舉留

一他家有子弟一人者猶能任一家之務吾子孫念此宜奮力獨前不必更相責望蓋人之才智高下不同豈能盡如人意更思才也養不才可也

一子弟凡有所取掌如掌書詩酒藥田疇風並聽典
事稟家長量撥並屬新舊管提督

一家塾小學當擇子弟嚴肅而精於句讀者二人訓
導童推並不許應接賓客及家中雜務庶得專心

教育其合用帚筆書籍等費當於新管處支給
一大小學中不可容異姓子弟

一立廉謹子弟三人與家長收掌錢債所出所入皆
明白附籍或有折陷者勒其本房衣資首飾補還
公堂

一立知賓二人接奉談論提督茶湯點視床帳被褥
務要合宜

一牧藝之事當以一人專檢其綱須置簿書寫各人

逐年足缺數目更互逐月點檢催督到歲終舉明

賞罰失時不辦者住本人本年衣資不給

一令子弟專主儻人釀酒之事又令子弟時往田疇
督視畊刈度可知稼穡之艱難然必一年一輪

一委子弟一人專掌晨昏啓閉門扃伺候出入各置
鎖鑰關防

一居室既多守夜之法比舊尤當加嚴輪用已娶子
弟終夜鳴磬以達于且仍鳴小磬週行居室者四

次所過之處隨手啓閉門扃務在謹嚴以防偷竊
一防虞之事除守夜及就小傳者外別設一人謹察

風燭掃拂竈塵凡可以致災之具即時舉明移易
一更置水甌列于房闥之外冬月用草結蓋以護寒

凍補復於空地造屋安置薪炭油藍繫索之屬如頂時行修

一旱暵之時子弟不得吝惜陂塘之水以養魚有妨灌注

一家中產業文券既置砧基簿書所有字號畝步及續置者並當勒石以為子孫久遠之計

一家中陶漆銅錫器皿及書畫床帳被褥鞍轡燈籠之類並須置籍見數各撥子弟分掌

一子弟黎明聞鐘即起監視置夙興簿令各人親書其名然後就所業或有托故不書者議罰

一子姪年非六十者不許與伯叔連席而坐違者家長罰之會饌不拘

一子弟受長上訶責不論是非但當俯首默受毋得

分理

一子弟飲食幼者必後於長者言語亦必有倫應對賓客不得雜以俚俗方言

一兄弟相呼各以其字冠於兄弟之上如曰某字兄姪之命姪亦然姪之稱姪伯則以行稱繼之以父

如曰某伯父之類夫婦亦當以字行諸婦姊妹相呼並同

一子弟出仕有以贓墨聞者生則於譜圖上削去其名死則不許入祠堂如果被誣捕者則不捕此

一子弟受人贄帛皆納之公堂後與回禮

一子弟當娶時須用同身寸製深衣一襲巾履各一事仍令自藏以備行禮之用

一子弟年未二十五者除綿衣用絹帛外餘皆衣布除寒凍用蠟履外其餘遇雨皆以麻屨從事三十里內不許乘轎馬初到親姻家者不拘

二子弟年十六以上許行冠禮須能暗記四書一經正文誦說大義方可行之否則直至二十一歲弟若先能即先冠以愧之

一子弟已冠而習學者每月十日一輪袍背其已記之書及譜圖家範之類初次不通去帽一日再次不通則倍之三次不通則分紵如未冠時通則復之

一子弟未冠者學業未成不聽食肉古有是法非惟有資於勤苦抑欲其識整盪之味

一子弟年十二歲於正月朔即出就外傳見燈不許

一入中門入者簪之

一小兒五歲者每朔望祭祠誦書及忌日奉祭可令

學禮預入小學者當每日早膳後亦隨衆到書齋祇

揖須直祠堂者及齋長舉明否則罰之其母不容亦罰之

一諸婦主饋年臨六十者免之新娶之婦與假三月

三月之外即當主饋主饋之時外則告于祠堂內則會茶以聞于衆托故不至者罰其夫

一主饋之婦當愛事時鳴版十二敲先次主饋者使人集諸媵女羅列於前以直日媵女為首餘則隨年長幼而行列之各展四拜或有托故不至者監

視捷之

一 膳堂所有鎖鑰及器皿之類主饋者次第交之

一 每歲畜蠶主母分給蠶種與諸婦使之在房畜飼待成熟時却就蠶屋上箔須令子弟直宿以防風燭所得之蠶當飛一處抽繰更預先抄寫各房所畜多寡之數照什一之法賞之

一 諸婦每歲所治絲綿之類羞服長同主母稱量付諸婦共成段疋羞服長復著其銖兩于簿主母則催習而成之諸婦能自織造者羞服長先用什一之法賞之然後給散於衆

一 諸婦及媵女每歲公堂於十月俵散木綿使成布段限以次年八月交收通賣錢物以給一歲衣資

之用公堂不許侵使或有故意製造不佳及不登數者則準給本房甚者住其衣資不給病者有能依期而登數者照什一之法賞之其事並係羞服長主之

一 諸婦之家貧富不同所用器物或有或無家長量度給之度使均而無怨

一 諸婦服飾毋事華靡但務雅潔違則罰之更不許其飲酒年過五十者弗拘

一 諸婦育子不得接受鄰族鷄子彘胃之類舊管時週給之

一 少母但可受自己子婦跪拜其餘子弟不過長揖諸婦並同有違之者監視罰死後息亦同

一娶婦三日婦則見于祠堂男則拜于中堂行受家規之禮其詳守勿失復拜四拜而去祝復以房席授之使其揭于房闥之外以為出入觀省會茶而退

一初來之婦一月之外許用便服

一娶婦不得享賓須以嗣親為念入門四日婿婦當同往婦家行謁見之禮

一諸婦初來者何可便責以吾家之禮限半年皆要通曉家規大意或有不教者罰其夫

一期望後一日令諸生於聚揖之時直說古列女事使諸婦聽之

一諸婦親媵頗多除本房至親與相見外餘並不許

可相見者亦須子弟引導方入中門見燈不許違者會眾罰其夫在母拘

一婦人親族有為僧道者不許往來

一女子議親須謀於眾其或父母於幼年妄自許人者家長罰之公堂不與粧奩

一女子年及八歲者不許隨母到外家餘雖至親之家並不許注違者重罰其母

一世人生女往往多致湮沒縱曰女子難嫁荆釵布裙有何不可諸婦違者重罰

一男女不親授禮之常也諸婦不得用刀鑷工鬚面當令媵女為之

一義門無私婢為家眾咸得役使之其或有犯家眾

三歲是家衆皆可撻之本房主婦敢有爭者監視會衆重罰或有妄意吹毛求疵不循理而撻之者監視當直言教誨之

一媵女褻言無恥家衆有聞之者即鞭之以示衆

一媵女不得妄出中門見者咸得撻之

一媵女平居不得衣紅紫青綠但皂白色足矣

一媵女出嫁者當於大門內升車既嫁而歸不過三

宿而去不許戴冠敢違之者家長箠之仍罰其本

房之志

一設園丁六人以供蔬菜二人其治一園廣為種植

廣收者則優賞之並不許于預雜役

一僱人於勞苦之時宜以肉為羹期望雖不勞亦當

用豆乳可也

一僱人聚食既有其所當逐一標名依年齒定之不

至者空其次

一承帳人能催租穀早辦者賞穀一石然却在及時

勤索戒其非理生事

一僱人類多無知之人吾子孫當容憫之毋致苛迫

右仰子孫世世遵守

序

榮陽族系記序

此一卷乃唐宋諸儒所作係述安鄭氏西歲以與譜圖相關也自附刊于此

序曰木之參天也其條葉之敷繁亦猶虬龍之鱗能

庠之毛雖醒於笑者卒難盡推之然原其初豈非一

葉芽之萌哉然則受姓定氏支流固不同豈不當反

其始而究其本邪我皇唐之有天下也仰稽前代族
姓之學下詔高士廉常挺岑文本令孤德棻參以天
下譜牒合二百九十三姓一千六百五十一家定為
九等號曰氏族志藏之秘閣副在左戶夫以朝廷之
威尊乃為甄類析差實歲之惟謹效其後人哉愚自
丙辰之亂前後所蓄圖書七千四百卷皆被陝軍所
焚獨司空氏之譜猶存者以卧起每与之俱故雖幼
喪亂弗失也今年春愚再還居中條觀隴西鄭回族
系記回為定著桓公至温為上篇南陽公至回為下
篇且傍稽戶部侍郎鄭元括故家考及中書舍人表
暉姪姓錄二公皆博洽太儒訂覈尤為精絕簿狀之
或遺名爵之或訛者咸讞正之故愚定此譜頗自謂

無所憾焉回進士也宜有以久其傳矣噫後之子孫
豈能皆如回不皆如回則傳及其身歷代之圖謀一
朝或墜是何異荆壁之遭焚神劍之沉泉豈不痛哉
豈不痛哉此愚之序不作不可也乾寧三年春閏正
月二十八日泗水司空圖序

遂安譜記序

遂安譜系記二卷唐禮部員外郎司空表聖所定先
公致中侍御史桐巖府君所藏文詳面事可徵燮生
固知其為傳信之書及觀鄭氏之譜於呂夏卿家譜
一一與記相同益見禮部之刊定精審不若今人之
妄行附麗也蓋歐陽公脩宋公祈奉謚纂脩唐書夏
卿與范鎮王疇宋敏求劉義叟同為編修官回得悉

敬秘府之書故夏卿獲斯譜以歸實唐四庫中乙部
第十二類之一卷也譜乃當時所錄豈有混淆哉但
考夏卿等所修鄭氏宰相表則時有不同記謂小白
為功曹暉之第二子而胤伯為小白之長子而表則
謂暉生中書博士茂茂一名小白生七子而胤伯與
其一為記謂白麟字嘉徵生師慎師慎生懷芬懷芬
生鄴鄴生斌卿斌卿生度青州刺史而表則謂大房
白麟後絕若此踈謬有未易枚數者竊自念氏族之
學古所甚謹晉魏以來官置圖譜局設郎令史世主
之天下上其簿狀官為詳覆歲于有司凡遇選舉必
稽之以別真偽有不寔者罪之直更王季之亂其書
始大壞不應唐世所錄乃爾舛訛後代所纂修者反

得其真也必當以記與譜為正蓋無疑者變生間不
自揆以禮部所定上篇勒於貞石寘于家廟傳示子
孫下篇則自南陽公至癸生凡二十一世別書于籍
更考閩粵之裔閩隴之支約其繁簡訂其異同或原
其始分或究其末異或序其盛衰之漸或略或詳或
書或不書皆有微意寓乎其間更名曰遂安譜記復
舉史傳之尤繆者列于卷首俾覽者有考焉紹興十
一年九月既望八十代孫臨海尉癸生再拜謹序
後序

癸之浦江縣東二十八里其地曰白麟溪鄭氏之居
在焉鄭氏合族而居者今九世
朝廷接著令挂表其門曰孝義鄭氏之門而復其後

於是時之碩人元夫宗工鉅子髦士峻生莫不為之感歎而歆羨或形諸詩以道其美或著於文以紀其實月累歲積所得既多其家長大和懼夫久而至於散軼也爰裒集而彙次之詩為樂府四言五七言古近體若干首凡十卷文為碑頌序跋記辭銘志雜著若干首凡十有二卷摭為一書曰其所居地名名之曰麟溪集吾即是書觀鄭氏一家之盛有以知國家教化之盛也夫唐虞三代之世盛矣唯其教之既明化之既成故當其時民俗之善至於比屋可封可不謂之盛歟然稽之載籍推其門閭唐虞之時則然而表厥宅里見於成周之世夫其民俗既無不善矣而於其間猶或假夫挂表焉者所謂對之風聲使

民不懈於為善也國家敦教崇化承平日久田里之民安於無事而習於為善如鄭氏者能以孝義著聞蒙被挂表若此不猶唐虞三代之民而加以唐虞三代之令典歟吾故即是書觀鄭氏一家之盛有以知國家教化之盛也昔者周之尹氏以天子大夫故五葉不別食會食數千人而春秋書尹氏以志世卿其能與周同盛衰者有家法以維持故也今鄭氏非卿大夫家而合族乃至於九世可謂難矣况其家法之維持可藉以永久勿替引之雖百世可至此所以使人嗟嘆之不足而形於詩稱述之不置而著於文積累之多而後之作著固未已也是故詩之召南詠歌

南國民俗之美必推本於文王之躬化而前史所纂
孝友等傳亦以彰顯當世風化之弗泯故吾以謂即
是書觀鄭氏一家之盛有以知

國家教化之盛豈非然哉嗚呼天衷民彝夫人之所
同然者也是書苟出而廣傳之將使為善者益知所
勸而孝義之未至者亦感發而興起其有補於世教
甚大寧獨俾其子孫之不隕而已乎大和字順鄉鄰
里尊稱之曰貞和先生實生五百二十二甲子屬予
為序者先生之從子欽字子敬能承其家者也至正
十年十一月甲子同郡王禧序

字子克
傷人

題跋

題遂安譜記後

予讀吳鎮新唐書糾謬之書竊自嘆修史之不易也
餘者未暇言世系表既專以宰相名之則當無不紀
予惟謙之相中宗鄭祭之相昭宗武什方之相則天
乃不載之何耶以此觀之疑放失甚多不特白麟後
裔為然也先儒謂宰相表載九十三扶最為精詳但
鍾陳韓高之氏有訛舛耳嗚呼豈心是哉今觀臨海
公亦叙遂安譜記足以見之矣同郡蛟峯方逢辰題

題同前

隋唐以來為姓氏之書者何翅四十餘家援據雖多
其誕妄亦不少如近代姓源韻譜尤無足憑南漢劉
龔之二子曰弘昌弘杲宋歐陽公脩五代史避宣祖
諱遂改為洪今書乃云五代時有洪昌洪杲皆為參

知政事其可乎哉原其所失蓋不能精考但見姓之
偶同輒牽引鈔入徒為有識之嗤笑必若鄭氏之譜
之真然後人無敢議之耳漢中張悌跋
引

鄭氏譜圖引

傳云昔名穆公思周德之不類遂糾合宗族於成周
而作詩夫詩歌謠之言爾猶是糾其宗合其族以成
睦端之德况於譜牒之作乎惟夫族之有譜也故由
本以至支自近以及遠歷千百世猶一日也譜其不
作可乎鄭呂國氏周其自出姬其姓也春秋之世周
之子孫秉周禮者猶有人焉而莊厲穆襄之族之於
鄭已不能相有於其國况數千百載之後乎况國降

而為家者乎此鄭氏之裔所以不可不譜也按義門
鄭氏居娶浦陽且九世未嘗析居異爨家二千指內
外雍肅藹然周人端睦之遺風其有得於召公作詩
之意可謂深遠矣其諸孫鑑及其從弟欽猶思夫久
而不能無失也乃求文章家作為傳譜宗分而派別
之于以辨親疏于以別尊卑于以崇孝敬于以敦德
義而親親之道於是乎在矣嗚呼世降俗微同氣若
仇敵骨肉為路人登鄭氏之門者顏且有惡焉使得
鄭氏之譜而觀之孝弟之心有不油然而生者乎有
不油然而生者乎吾故知茲譜之作非徒鄭氏之書
而殆天下之書也目題卷末庶幾覽者有感於斯云
至正五年龍集乙酉夏五月義烏縣儒學教諭天台

應奎翁題

解

鄭氏恭名字解

鄭氏同居之九世皆從木以為名有從木從辛而以恭為字者避同名而改名榦榦拓之別名也因易其字曰弓而質於余余乃仍其字曰恭或曰曷為而有取於榦乎榦僅可以為弓耳胡不取夫豫章榦楠栝柯檜桐之屬乎其材之美堅緻績密文采馨香可以為棟梁為舟車為琴瑟為俎豆為器之重為用之大是之不取而取於榦乎且榦何與於恭而聯之以為名若字乎嗚呼榦固美材而比興之則亦可以聯夫恭矣昔之論良弓之材曰其木心必正心正則其脉

理皆正而發矢直夫榦之材蓋能正直而又能柔忍故宜為弓古敷土者之所以貢之而考工者之所以記之天下之美材也何憚於豫章榦楠等乎况弓古天子諸侯卿大夫士之所以躬習之以為禮樂征伐之器也其器豈不重其用豈不大又何憚於棟梁於琴瑟輩乎曰是則然矣抑果何與於恭嗚呼詩不云乎在梁柔木言縉之絲温温恭人為德之基此言柔木而縉之絲以為弓猶温温而恭以為德之基而學問進脩以成其德也夫詩之所謂柔木非書與記之所謂榦者乎然榦非止於柔而為弓亦非止於縉之以絲也詩之辭姑舉其一隅耳以意逆志而反之以三隅可也是故榦之柔忍而正直也既縉之以絲而

又堅之以筋角固之以膠漆而後能柔能剛可弛可張以殼以發而成其良弓之能猶基之以溫恭之質而學問進循以成其剛柔正直之德也雖然學問進循之道亦無它恭而已矣程子之言曰天地之正氣恭作肅肅便雍也蓋恭則正正則肅肅則雍雄則溫之至也然則剛柔正直之德實本於恭也故曰篤恭而天下平噫人之弗溫弗恭墮其德之基矣可不戒哉榦也學詩而慕德余雅謂其可與言詩又嘗與之讀程氏遺書故為之作名字解云臨川陳剛述字伯柔書鄭對恭名字解後

臨川陳伯柔父著鄭榦對恭名字解推言成剛柔正直之德基於溫恭之質譬則成弓之能本乎榦質之

美亦可謂善為說辭矣而余觀之弓之良固由材之美及乎用之也必以其道斯足以盡其能焉弓人之為弓也拓為上而孔氏謂拓榦也則弓之美材未有若榦者也取其鄉心而遠根者斲之楛之角以輔之筋以鞏之膠以和之絲以固之漆以堅之其材美其工巧其為之時而其良蔑以加矣然弓主乎射射貴乎中弓而不射猶無弓也射而不中猶無弓也是以用之不可無其道也射義曰射者進退周還必中禮內志正外體直然後持弓矢審固持弓矢審固然後可以言中此則用之之道也夫禮之中也志之正也體之直也審也固也非恭而何夫惟榦可以為良弓惟恭可與用良弓然則恭與榦豈無與乎字榦以恭

其有不聯乎又奚以比興為哉故夫以幹為弓其責
在弓人恭以用之以盡弓之能其責在射者而天下
之良工有天下之良弓必歸諸天下之善射者利其
能用之也古之賢人君子不惟其質有過人者亦惟
其能恭已焉耳質者天之所以與我者也恭者我之
所以自成者也賢人君子之所以自成其德與射者
之所以成弓之能其道一也故曰孝子如執玉如奉
盈洞洞屬屬然如弗勝如將失之孝子之事親仁人
之事天亦一道也孝子仁人豈過為是恭也乎哉蓋
或不恭則我之所當為者必有两怠忽我之所固有
者必有所枯亡天雖與之以賢人君子之質終亦不
免鄉人之歸矣其與有良弓而不知所以用之之道

以盡其能者豈不相仙乎林恭在鄭氏羣從中質粹
而學優最名稱其家交之久未見行已有不恭也若
此所謂能自成其德者歟及而驗之亦有得於伯柔
之言則有得於余言矣眉山蘇伯衡書

